

Ո Ր Ո Շ ՈՒ Մ

Ճանապարհային ոստիկանության վարչական տույժ նշանակելու մասին թիվ 2316189098, 2315986025 և 2316079726 որոշումներն անփոփոխ, իսկ վարչական բողոքն առանց բավարարման թողնելու մասին

<< 21 >> 04 2023թ. 7-13

3737

ք.Երևան

Ճանապարհային ոստիկանության պետ, ոստիկանության գնդապետ Ն.Սարգսյանս, վերանայելով Ժորես Արզումանյանի ՄԴ/27352-23 դիմումի քննարկման արդյունքում ստեղծված նյութերը՝

Պ Ա Ր Զ Ե Ց Ի

Քաղաքացի Ժորես Արզումանյանը (ծանուցման հասցե՝ քաղաք Երևան, Էրեբունի վարչական շրջան, Ազատամարտիկների փողոց, 179 տուն) դիմումով խնդրել է բեկանել Ճանապարհային ոստիկանության վարչական տույժ նշանակելու մասին թիվ 2316189098, 2315986025, 2316079726 և 2315761777 որոշումները՝ նշելով, որ իր կողմից կատարված իրավախախտումները հիմնավորող տեսանյութերը չեն բեռնվում:

Դիմումի քննարկման արդյունքում պարզվել է, որ Ճանապարհային ոստիկանության վարչական տույժ նշանակելու մասին թիվ 2316189098, 2315986025 և 2316079726 որոշումները ենթակա են կատարման հետևյալ պատճառաբանությամբ.

<<Տեսանկարահանող կամ լուսանկարահանող սարքերով հայտնաբերված ճանապարհային երթևեկության կանոնների խախտումների վերաբերյալ գործերով իրականացվող վարչական վարույթի առանձնահատկությունների մասին>> օրենքի 3-րդ հոդվածի 1-ին մասի համաձայն՝ վարչական վարույթի իրավախախտման հատկանիշների պարզման փուլում իրավախախտումը հիմնավորող ապացույցը իրավախախտումն ամրագրած տեսանյութն է կամ լուսանկարը, որը պարունակում է նաև տեխնիկական միջոցով արձանագրված տվյալները: Նույն հոդվածի 2-րդ մասի համաձայն՝ որպես իրավախախտումը հիմնավորող ապացույց վարչական կամ դատական կարգով բողոքարկման վարույթում կարող են օգտագործվել Վարչական իրավախախտումների վերաբերյալ Հայաստանի Հանրապետության օրենսգրքի 251-րդ հոդվածով նախատեսված ապացույցները:

<< կառավարության <<Ճանապարհային երթևեկության կանոնները և տրանսպորտային միջոցների շահագործումն արգելող անսարքությունների ու պայմանների ցանկը սահմանելու մասին>> 28.06.2007թ. թիվ 955-Ն որոշման 80-րդ կետի համաձայն՝ տրանսպորտային միջոցը տեղակայել թույլատրվում է երթևեկելի մասի եզրին զուգահեռ մեկ շարքով՝ բացառությամբ այն տեղերի (երթևեկելի մասի տեղային լայնացում),

որտեղ գծանշմամբ թույլատրված են տրանսպորտային միջոցների դասավորման այլ ձևեր: Առանց կողային կցորդի երկանիվ տրանսպորտային միջոցները թույլատրվում է կանգնեցնել երկու շարքով:

Վարչական իրավախախտումների վերաբերյալ ՀՀ օրենսգրքի 124-րդ հոդվածի 21-րդ մասի համաձայն՝ տրանսպորտային միջոցների վարորդների կողմից կանգառի և (կամ) կայանման կանոնները խախտելը՝ առաջացնում է տուգանքի նշանակում՝ սահմանված նվազագույն աշխատավարձի հնգապատիկի չափով, տուգանային միավորի կիրառում՝ 0.5 միավոր:

Նույն հոդվածի 39-րդ մասի համաձայն՝ սույն հոդվածի 21-րդ և 25-րդ մասերով (միայն կանգառ կատարելու մասով) նախատեսված վարչական իրավախախտումն ունի նվազ նշանակություն այն դեպքում, երբ կանգառը կատարվել է միայն ուղևորների նստելու կամ իջնելու նպատակով, չի գերազանցել մեկ րոպե ժամանակահատվածը, և դրա հետևանքով երթևեկության մյուս մասնակիցների համար խոչընդոտ կամ վթարային իրադրություն առաջացնելու ակնհայտ վտանգ չի ստեղծվել:

Ճանապարհային ոստիկանության վարչական տույժ նշանակելու մասին թիվ 2316189098 և 2315986025 որոշումների հիմքերում դրված տեսանյութերի դանդաղեցված և դրվագային ուսումնասիրություններն ակնհայտ են դարձնում այն փաստը, որ դիմումատուի տրանսպորտային միջոցը 17.03.2023թ. ժամը 20:55:30-րդ վայրկյանից 20:56:36-րդ վայրկյանը՝ Երևան քաղաքի Արովյան – Պուշկին և 09.02.2023թ. ժամը 15:36:06-րդ վայրկյանից 15:37:22-րդ վայրկյանը՝ Երևան քաղաքի Տերյան – Հին Երևանցի փողոցների խաչմերուկի հատվածում համապատասխանաբար՝ 66 և 76 վայրկյան տևողություններով, կանգառներ է կատարել երթևեկելի մասի երկրորդ շարքում:

Ինչ վերաբերում է վարչական տույժ նշանակելու մասին թիվ 2316079726 որոշմանը, ապա վերը նշված որոշման տեսանյութը փաստում է, որ դիմումատուի տրանսպորտային միջոցը 27.02.2023թ. ժամը 20:07:50-րդ վայրկյանից 20:09:09-րդ վայրկյանը՝ 79 վայրկյան տևողությամբ կանգառ է կատարել Երևան քաղաքի Ֆուչիկ - Մարգարյան փողոցների խաչմերուկի հատվածում երթևեկելի մասի եզրին ոչ զուգահեռ:

Անրադառնալով վարչական տույժ նշանակելու մասին թիվ 2315761777 որոշմանը, հարկ է նշել, որ դիմումատուի կողմից բաց է թողնվել Վարչական իրավախախտումների վերաբերյալ ՀՀ օրենսգրքի 288-րդ հոդվածով նախատեսված՝ վերը նշված որոշման դեմ գանգատ տալու 30-օրյա ժամկետը, ուստի դիմումն այդ մասով քննարկման ենթակա չէ:

Անրադառնալով նաև դիմումատուի այն փաստարկին, որ իր կողմից կատարված իրավախախտումները հիմնավորող տեսանյութերը առկա չեն, ապա հարկ է նշել, որ դրանք տեղադրված են ՀՀ ՆԳՆ ոստիկանության կայքէջում և հասանելի են վարչական ակտերի հասցեատիրոջը:

Այսպիսով, դիմումատուի արարքներում ակնհայտ են Վարչական իրավախախտումների վերաբերյալ ՀՀ օրենսգրքի 124-րդ հոդվածի 21-րդ մասի

զանցակազմերը, հետևաբար նրան վարչական պատասխանատվության ենթարկելու մասին վերը նշված որոշումներն իրավաչափ են և օրինական:

Ելնելով վերոգրյալից և ղեկավարվելով Վարչական իրավախախտումների վերաբերյալ ՀՀ օրենսգրքի 293-րդ հոդվածի 1-ին մասի 1-ին կետով՝

Ո Ր Ո Շ Ե Ց Ի

1. Ճանապարհային ոստիկանության վարչական տույժ նշանակելու մասին թիվ 2316189098, 2315986025 և 2316079726 որոշումները թողնել անփոփոխ, իսկ վարչական բողոքն առանց բավարարման.
2. Սույն որոշումն ուժի մեջ է մտնում հանձնելու օրվան հաջորդող օրը և կարող է բողոքարկվել ՀՀ վարչական դատարան օրենքով սահմանված կարգով և ժամկետներում.
3. Սույն որոշման օրինակն ուղարկել Ժորես Արզումանյանին:

Կատարող Ա.Ալեքսանյան
Հեռ.011544783



Ն. Սարգսյան